



Møtebok for Formannskapet

Møtedato: 23.05.2018
Møtestad: Formannskapssalen
Møtetid: 09.30 - 11.20

Møtet vart styrt av varaordfører Nils Marton Aadland.

Medlemmene var innkalla i skriv dat. 15.05.18 og møtet var kunngjort i pressa 09.05.18.

I starten av møtet presenterte plansakansvarleg Alexander Helle utkast for vegløyising av planområdet områdeplan for Midtmarka og Rotemyra på Flatøy.

Formannskapet hadde pause frå kl. 11:00 – 11:10.

Av 7 medlemmer var 7 til stades ved handsaming av sakene 39 – 48.

Møtedeltakarar	Parti	Rolle
Nils Marton Aadland	H	Varaordfører
Anne Grete Eide	AP	Medlem
Sigmund Larsen	FrP	Medlem
Marit Samnøy Jøssang	KRF	Medlem
Silje Ingelin Sæterstøl	V	Medlem
Tormod Skurtveit	AP	Varamedlem
Sølvi Norunn Knudsen	SP	Medlem

Forfall meldt frå følgjande medl.	Parti
Øyvind H. Oddekalv	AP

Desse møtte frå administrasjonen: Rådmann Martin W. Kulild og personal- og organisasjonssjef Kari Anne Iversen.

Protokollfører: Randi Hilland

24.05.2018

Nils Marton Aadland
varaordfører

Randi Hilland
konsulent

Sakliste

Saknr	Tittel
39/2018	Godkjenning av innkalling og sakliste
40/2018	Godkjenning av møtebok
41/2018	Referatsaker
42/2018	Aktuelle saker
43/2018	Orientering av rådmannen
44/2018	Orientering om status Alver kommune
45/2018	Utvida leigetider Meland Aktiv, gymnastikklokale Sagstad skule. Budsjettmessige konsekvensar.
46/2018	Konseptstudie - utviding av IKT-samarbeidet
47/2018	Godkjenning av A-rundskriv A1/2018 - Tariffrevisjonen per 01.05.18
48/2018	TV-aksjonen 2018 - Oppretting av kommunekomité

Sakspapir

Saksbehandlar	Arkiv	ArkivsakID
Randi Helene Hilland		18/1163

Saksnr	Utvalg	Type	Dato
39/2018	Formannskapet	PS	23.05.2018

Godkjenning av innkalling og sakliste

Saksopplysningar:

Framlegg til vedtak:

Innkalling og sakliste vert godkjent.

Formannskapet - 39/2018

FS - behandling:

FS - samrøystes vedtak:

Innkalling og sakliste vert godkjent.

Sakspapir

Saksbehandlar	Arkiv	ArkivsakID
Randi Helene Hilland		18/1163

Saksnr	Utvalg	Type	Dato
40/2018	Formannskapet	PS	23.05.2018

Godkjenning av møteprotokoll

Vedlegg:

Protokoll - Formannskapet - 25.04.2018

Saksopplysningar:

Framlegg til vedtak:

Møteprotokoll frå møte 25.04.18 vert godkjent.

Formannskapet - 40/2018

FS - behandling:

FS - samrøystes vedtak:

Møteprotokoll frå møte 25.04.18 vert godkjent.

Sakspapir

Saksbehandlar	Arkiv	ArkivsakID
Randi Helene Hilland		18/1163

Saksnr	Utvalg	Type	Dato
41/2018	Formannskapet	PS	23.05.2018

Referatsaker

Saksopplysningar:

Framlegg til vedtak:

Meldingane vert tekne til orientering.

Formannskapet - 41/2018

FS - behandling:

Det låg ikkje føre skriv og meldingar.

FS - vedtak:

Sakspapir

Saksbehandlar	Arkiv	ArkivsakID
Øyvind H. Oddekalv		18/1163

Saksnr	Utvalg	Type	Dato
42/2018	Formannskapet	PS	23.05.2018

Aktuelle saker

Saksopplysningar:

Framlegg til vedtak:

Orienteringane vert tekne til vitande.

Formannskapet - 42/2018

FS - behandling:

Sølvi Knudsen refererte oppslag i avisa "Strilen" om skogshogst og forsvunne boks med elvemusling på Mjåtveit.

Etter møteslutt informerte skog- og miljøkonsulent Marius F. Knudsen at kommunen har vore i kontakt med grunneigar og dei som har gjort jobben for han.

Har gitt tilbakemelding på nokre punkt som kommunen ikkje er nøgd med til grunneigar og dei som har utført jobben.

Ordførar og varaordførar har hatt møte med Statens Vegvesen og dei er skeptiske til at det vert sett i gang store utbyggingsprosjekt, nye bustadfelt før veg i aktuelt område er ferdig. Dette gjeld mot nord og aust.

FS - samrøystes vedtak:

Orienteringane vert tekne til vitande.

Sakspapir

Saksbehandlar	Arkiv	ArkivsakID
Martin W. Kulild		18/1163

Saksnr	Utvalg	Type	Dato
43/2018	Formannskapet	PS	23.05.2018

Orientering av rådmannen

Saksopplysningar:

Framlegg til vedtak:

Orienteringane vert tekne til vitande.

Formannskapet - 43/2018

FS - behandling:

Det vart orientert om følgjande:

- På Instagram har Multiconsult i samarbeid med kommunen ei lenke der dei presenterer idéar "Frekhaug fram i tid".
- Det har vore stilt spørsmål om det er mogeleg å bygge i enkelte område frå Holme og nordover.
Svar frå teknisk avd. er at ein ikkje treng søkje dispensasjon for enkelthus dersom det er med i kommuneplanen. Kommunen er positiv til slik bygging.
- På neste møte i formannskapet kjem det opp sak om rullering av økonomiplan. Utfordrande oppgåve grunna låg folkevekst og store investeringar fram i tid som skal finansierast. Lav folkevekst gir økonomiske konsekvensar, går m.a. glipp av vekstkommunetilskotet.
- Tilsyn med samfunnstryggleiks- og beredskapsarbeidet:
Avvik nr. 1 og 2 er lukka, avvik nr 3 vert lukka når vi er i Alver kommune

Sigmund Larsen:

- Status overvatn Holtermandsvegen.
Er i prosess - kjem tilbake med informasjon.

FS - samrøystes vedtak:

Orienteringane vert tekne til vitande.

Sakspapir

Saksbehandlar	Arkiv	ArkivsakID
Martin W. Kulild		18/1163

Saksnr	Utvalg	Type	Dato
44/2018	Formannskapet	PS	23.05.2018

Orientering om status Alver kommune

Saksopplysningar:

Framlegg til vedtak:

Orienteringane vert tekne til vitande.

Formannskapet - 44/2018

FS - behandling:

Rådmannen orienterte:

- I gang med interne prosessar - møte seinare i dag med alle hovudtillitsvalde
- Er i rute med tilsetjing av nivå 2 - der 18 stillingar skal bemannast
- Kommunikasjonsstragi skal opp i Fellesnemnda 4. juni
- Usikkerheit om ressursbehovet til IKT og arkiv

FS - samrøystes vedtak:

Orienteringane vert tekne til vitande.

Sakspapir

Saksbehandlar	Arkiv	ArkivsakID
Anny Bastesen	TI - &01, FA - D11	17/231

Saksnr	Utvalg	Type	Dato
45/2018	Formannskapet	PS	23.05.2018
	Kommunestyret	PS	

Utvida leigetider Meland Aktiv, gymnastikklokale Sagstad skule. Budsjettmessige konsekvensar.

Vedlegg:

Gymorganisering ved Sagstad skule

Saksopplysningar:

Bakgrunn

Sagstad skule har meldt inn nokre utfordringar når det gjeld lokale for kroppsøving i Meland Aktiv. Elevtalet har auka over fleire år medan hallkapasiteten er uendra og etter kvart sprengt. Etter den siste skuleutvidinga har skulen kapasitet til 475 elevar.

Frå før er det knapt med tid til å drive svømmeopplæring pga liten bassengkapasitet i kommunen, og belastninga på lokala i Meland Aktiv blir tilsvarande større.

Enkelte klassetrinn er såpass store at mange elevar under same tak genererer i overkant mykje lyd og kaos, sjølv om hovudsalen kan delast opp med nedtrekkbare dukar. Dei nedtrekkbare dukane demper ikkje støyen i nemneverdig grad. Det er heller ikkje god nok garderobeplass til alle. Den kaotiske situasjonen går ut over både elevane sitt læringsmiljø og lærarane sitt arbeidsmiljø, jf vedlagte notat frå skulen.

Sagstad skule har vore i dialog med Meland Aktiv, og har kome fram til ei løysing som dei meiner kan gjennomførast, jf notatet. Den inneber å leige den nye fotballhallen når den står klar, og ta i bruk den store kultursalen i Meland Aktiv til kroppsøving. Leigetida blir den same som for storhallen, dvs 20 t pr veke.

Sagstad skule melder frå om at behovet for auka kapasitet gjeld frå komande skuleår, dvs frå hausten 2018, og at behovet er relativt akutt.

Ansaret for budsjettet og leigeavtalane for offentlege bygg vart flytta til Plan, utbygging og kommunalteknikk for nokre år sidan. Driftsbudsjettet har ikkje teke høgde for denne aktivitetsauken i 2018, og det er heller ikkje lagt inn noko langsiktig auke i økonomiplanen.

Vurdering

Budsjettet for skulane sin bruk av lokale i Meland Aktiv er på kr 315 000 eks mva pr år, knytt til storhallen (Meland Ungdomsskule 5 t og Sagstad skule 20 t pr veke). Leigeprisane vart justert etter kommunestyret sitt budsjettvedtak i desember 2016. Leige av den store kultursalen frå skulestart hausten 2018 vil etter dette koste om lag kr 54 000 eks mva i 2018 (4,5 mnd, 20 t pr veke). Heilårsverknaden av å leige den store kultursalen er kr 144 000 eks mva.

Den nye fotballhallen er venta å stå klar tidleg i 2019. Årleg leige av denne kan budsjetterast med same sum som for leige av storhallen, dvs kr 252 000 eks mva pr år for 20 timar i veka. I økonomiplansamanheng utgjer dette ein samla auke i husleigeutgifter for skulane sin bruk av Meland Aktiv for kroppsøving med om lag kr 396 000 eks mva pr år.

	Storhall		Store kultursal		Ny hall	Basseng		Endring i høve budsj 2018	
	2017	2018	2018	2019	2019	2018	2019	2018	2019
Meland Aktiv	315 000	315 000	54 000	144 000	252 000			54 000	396 000
Nordhordland Folkehøgskule						295 600	Årlege forhandl		Ca 15 000

Utheva årstal: nye summar

Denne saka er avgrensa til budsjettmessige konsekvensar av å ta i bruk den store kultursalen til kroppsøving for Sagstad skule frå hausten 2018. Driftsbudsjettet ved Plan, utbygging og kommunalteknikk (PUK) har ikkje teke høgde for auka husleigeutgifter i 2018. Auka årlege husleigeutgifter f.o.m. 2019 må drøftast i økonomiplanen.

Folkehelse: Tilfredsstillande lokale og miljø for gymnastikkundervisning er særskild viktig folkehelseiltak
Miljø: Ikkje relevant for denne saka

Økonomi: Utvida leigetider medfører auka årlege kostnader i driftsbudsjettet

Konklusjon

Rådmannen vurderer at Sagstad skule si grunnlegging for auka kapasitet på kroppsøvingslokale er gjennomarbeida og at det reelle behovet er godt dokumentert. Auka budsjettsum på kr 54 000 eks mva er ikkje vesentleg stor, men den kjem på toppen av eit allereie sprengt driftsbudsjett. Rådmannen meiner likevel at PUK må finne dekning for summen innafor eiga budsjetttramme i 2018 då kommunen sitt samla driftsbudsjett ikkje inneheld reservar til fordeling.

Heilårsverknadene av auka bruk av lokale i Meland Aktiv vert å kome tilbake til i økonomiplan 2019 – 2022.

Framlegg til vedtak:

«Kommunestyret tek saka til orientering når det gjeld drifta i 2018. Endeleg avklaring på årleg utvida leige av lokale i Meland Aktiv vert å drøfte i økonomiplanen 2019 – 2022.»

Formannskapet - 45/2018

FS - behandling:

FS – samrøystes framlegg til vedtak:

Kommunestyret tek saka til orientering når det gjeld drifta i 2018. Endeleg avklaring på årleg utvida leige av lokale i Meland Aktiv vert å drøfte i økonomiplanen 2019 – 2022.

Sakspapir

Saksbehandlar	Arkiv	ArkivsakID
Martin W. Kulild	FE - 037, TI - &10	18/1324

Saksnr	Utvalg	Type	Dato
46/2018	Formannskapet	PS	23.05.2018
	Kommunestyret	PS	

Konseptstudie - utviding av IKT-samarbeidet

Vedlegg:

Fylgjeskriv IKT-utviding - saksgrunnlag til rådmennene

IKTNH Utviding konseptfase 2.0

Saksopplysningar:

Bakgrunn

Kommunane, innbyggjarane og næringslivet sine krav og forventningar til digitalisering av kommunale tenester og arbeidsprosessar aukar sterkt. Meland kommune, saman med dei andre kommunane i Nordhordland bør møte denne utfordringa med å sjå på korleis ein organiserer og nyttar ressursane. Gjennom IKT Nordhordland (IKTNH) har vi i Nordhordland ein felles IKT teneste som leverer drift, forvaltning og støtte til kommunane. Kommunane i Nordhordland deler på kostnadene på IKTNH og dei tenestene som vert produsert gjennom selskapet. IKTNH kan nytte ressursane på ein meir optimal måte dersom ein får til ei utviding med fleire kommunar.

I dette perspektivet vil det vera eit viktig bidrag å vurdere om det er grunnlag for å få fleire kommunar med i samarbeidet. Med fleire deltakande kommunar skal det medføre ei gevinstrealisering for Nordhordland kommunane, samtidig som det kjem til nytte for fleire kommunar i Hordaland. Ei utviding av samarbeidet kan bidra til at ein får frigjort tilstrekkeleg med ressursar til å styrke tenestene, samtidig som det vert å etablere eit godt grunnlag for ei forsterka satsing på digitalisering og innovasjon i kommunane.

Hovudkonklusjon frå konseptfasen

I konseptfasen har vi arbeidd med å utgreia spørsmålet om utviding for å avklare grunnlaget for ei eventuell utviding av IKT-samarbeidet med fleire kommunar og hovudkonklusjon er:

- Ei overordna vurdering syner at ein kan levera dagens teneste til fleire kommunar med eit positivt økonomisk resultat som dei samarbeidande kommunane vil kunne nytta til investeringar i digitalisering utan å auka totalkostnadane for IKT.
- Ei utviding vil gi IKTNH eit betre grunnlag for å levere dei tenestene som trengs i framtida. Det går både på kvalitet og kapasitet.

- Konseptfasen syner at det er grunnlag for å få til ei utviding av IKTNH. Nokre kommunar har allereie kontakta IKTNH med ynskje om å få til eit samarbeid og andre kommunar har svart positivt på vår henvendelse.
- Austevoll får levert tenester frå IKTNH – det fortsetter som i dag. Samnanger er også interessert i å få levert tenester. Gulen vil komme inn som medlem så snart det er naturleg. Samnanger og Austevoll vil komme inn som medlem når ein får avklart i hovudprosjektet om der er andre kommunar som også ønskjer å delta.
- Ei utviding vil også krevje at IKTNH må utvikle seg og det må sjåast på styringsstrukturen slik at dei kan stå fram som ein profesjonell leverandør av IKT teneste.

Samrøysta vedtak – Regionrådet 31. januar 2018

- Regionrådet stiller seg bak forslaget om at IKT Nordhordland vert eit § 27 selskap og at forslaget til vedtekter vert vedteke slik dei ligg føre.
- Regionrådet ser det som ønskeleg at ein kjem i gong så raskt som mogeleg med å sjå på mogelegheita for å utvida det interkommunale samarbeidet med nye kommunar.

Regionrådet tilrår at det vert starta opp eit arbeid med konseptfase som skal utgreia spørsmålet om utviding i samsvar med vedlagte prosjektmandat. Det skal avklare grunnlaget for ei eventuell utviding av IKT-samarbeidet med fleire kommunar.

Rapporten frå konseptfasen vil bli handsama av kommunane før det vert bestemt om det vidareførast i eit planleggingsprosjekt som skal danne grunnlaget for eit endeleg vedtak om utviding av samarbeidet.

Regionrådet vedtok å gjennomføre det vidare arbeidet slik figuren under syner.



Rådmannsutvalet gjorde fylgjande vedtak fredag 27. april:

Rådmannsutvalet tar rapporten til vitende og ber om ein går vidare med neste fase i utgreiinga.

Dersom Gulen kommune er klar for å gå inn i §27-samarbeidet før hovudprosjektet er ferdigstilt, så er rådmannsutvalet positiv til det.

Rådmannsutvalet er også positiv til at Samnanger kan takast inn på same vilkår som Austevoll i dag har, men at fullverdig medlemskap vert vurdert gjennom hovudprosjektet for begge kommunane.

Framlegg til vedtak:

Arbeidet med å få til ei utviding av IKT Nordhordland med fleire kommunar bør starte så raskt som mogleg. Meland kommune er positiv til at hovudprosjektet som skal koma med konkrete forslag til utviding vert starta opp.

Dersom Gulen er klar for å gå inn i samarbeidet før hovudprosjektet er ferdigstilt, så er Meland kommune positiv til det.

Formannskapet - 46/2018**FS - behandling:****Avrøysting:**

Framlegg til vedtak fekk 6 røyster for (2 AP, 1 H, 1 SP, 1 KrF, 1 V), 1 røyst mot, (FrP), og er såleis vedteke.

FS – framlegg til vedtak (mot 1 røyst):

Arbeidet med å få til ei utviding av IKT Nordhordland med fleire kommunar bør starte så raskt som mogleg. Meland kommune er positiv til at hovudprosjektet som skal koma med konkrete forslag til utviding vert starta opp.

Dersom Gulen er klar for å gå inn i samarbeidet før hovudprosjektet er ferdigstilt, så er Meland kommune positiv til det.

Sakspapir

Saksbehandlar	Arkiv	ArkivsakID
Kari Anne Iversen	FE - 512	18/1300

Saksnr	Utvalg	Type	Dato
47/2018	Formannskapet	PS	23.05.2018

Godkjenning av A-rundskriv A1/2018 - Tariffrevisjonen per 01.05.18

Vedlegg:

A-rundskriv nr A/1-2018 Tariffrevisjonen pr 1.5.2018 - Forslag til ny Hovedtariffavtale for uravstemning
Hovedtariffoppgjøret 1.5.2018 - Vedlegg til protokoll

Saksopplysningar:

Kommunen har motteke A-rundskriv A1/2018 frå KS. Rundskrivet omhandlar resultatet av tariffoppgjeret per 01.05.18, som med dette vert sendt på uravrøysting til alle kommunar og fylkeskommunar som er omfatta av Hovedtariffavtalen. Svar frå medlemmane må vere KS i hende seinast fredag 8. juni kl. 10.00.

Reglane for uravrøysting i KS sitt tariffområde er fastsett i vedtektene. I Meland er mynde til å røyste ikkje delegert til rådmannen, men krev politisk behandling. Det har vore tradisjon at saka kjem opp anten i formannskapet eller kommunestyret, alt etter korleis tidsfristen for uravrøystinga passar med vedtatt møteplan.

Den økonomisk ramma for oppgjeret i kap. 4 vart på 2,8%. Ramma fordeler seg slik:

Overheng til 2018:	1,5%
Glidning:	0,2%:
Sentrale tillegg per 01.05.18	1,1%

For leiarar- og fagleiarar i kap. 4 som ikkje følgjer lønssstigene, men er direkteplasserte, vert det gitt eit lønstillegg på 1,5% av den enkelte si grunnløn per 30.04.18. Det er også avtalt ulike ubekvemstillegg med verknad frå 01.01.19.

Overhenget for 2019 er stipulert til 0,6% og konsekvensane av ubekvemstillegga frå 01.01.19 til 0,4%. Det er såleis allereie brukt 1% av ramma for mellomoppgjeret i 2019

Heiltidskultur er løfta fram som eit viktig element i HTA. Det er avtalt at det skal førast forhandlingar om ny offentlig tenestepensjon, basert på Pensjonsavtalen av 3. mars 2018, dersom ein av partane krev det. Det er semje om å setje ned ulike partssamansette utval, der partane i tariffperioden skal

diskutere sentrale tema, som t.d. arbeidstid, pensjon og stillingskoder.

Vurdering

Administrasjonen meiner at sentrale partar har funne fram til ei balansert tariffløysing innan ei økonomisk ramme som er akseptabel for kommunen. Forventa lønsvekst i Statsbudsjettet var på 3%, noko som også danna grunnlag for Meland kommune sitt budsjett for 2018.

Profilen på dei sentrale tillegg i garantilønstabellen er positiv for kompetansegruppene, noko som er viktig i eit rekrutteringsperspektiv. Ubekvemstillegga har ei innretning som kan stimulere til at helgevakter i pleie- og omsorg vert meir attraktive, - dette kan gi meir stabil helgebemannning og også større stillingsbrøker.

Folkehelse: Ikkje relevant i saka.

Miljø: Ikkje relevant i saka.

Økonomi: Økonomisk ramme er kommentert i saksutgreiinga.

Konklusjon

Administrasjonen vil tilrå at formannskapet røyster JA ved uravrøystinga.

Framlegg til vedtak:

««Formannskapet i Meland røyster JA ved utavrøystinga over framlegg til ny HTA per 01.05.18.»

Formannskapet - 47/2018

FS - behandling:

FS - samrøystes vedtak:

««Formannskapet i Meland røyster JA ved uravrøystinga over framlegg til ny HTA per 01.05.18.»

Sakspapir

Saksbehandlar	Arkiv	ArkivsakID
Randi Helene Hilland	FA - X03, FE - 233	18/1266

Saksnr	Utvalg	Type	Dato
48/2018	Formannskapet	PS	23.05.2018

TV-aksjonen 2018 - Oppretting av kommunekomité

Vedlegg:

TV- aksjonen 2018 - Anmodning om å opprette kommunekomite for TV-aksjonen NRK 2018

Saksopplysningar:

Bakgrunn

TV-aksjonen 2018 går til Kirkens Bymisjon sitt arbeid for å skapa eit varmare og meir inkluderande samfunn. Kirkens Bymisjon vil tilby menneske som opplever å stå utanfor, eit nytt fellesskap, ei seng eller ein samtale og slik bidra til at fleire får moglegheit til å oppnå eigne mål og draumar.

Framlegg til vedtak:

Formannskapet - 48/2018

FS - behandling:

Framlegg til vedtak i møtet:

Utval for levkår vert kommunekomité for TV-aksjonen 2018.

Følgjande personar er med i komitéen:

Sølvi Knudsen
Stian Lavik
Kjersti Vikebø Nesse
Tom Inge Karlsen
Thomas H. Wallem
Øystein Blom
Ørjan Kristiansen
Beate Eknes
Leif Johnsen

Administrasjonen i Meland kommune er sekretariat.

Kommunestyrerepresentantane vert oppmoda om vere bøssebærarar.

Dette framlegget vart samrøystes vedteke.

FS - samrøystes vedtak:

Utval for levekår vert kommunekomité for TV-aksjonen 2018.

Følgjande personar er med i komitéen:

Sølvi Knudsen

Stian Lavik

Kjersti Vikebø Nesse

Tom Inge Karlsen

Thomas H. Wallem

Øystein Blom

Ørjan Kristiansen

Beate Eknes

Leif Johnsen

Administrasjonen i Meland kommune er sekretariat.

Kommunestyrerepresentantane vert oppmoda om vere bøssebærarar.